



UNIVERSITÄTS-
BIBLIOTHEK
PADERBORN

Universitätsbibliothek Paderborn

Occupatio animae Jesu Christo crvcifixo devotae.

Leroy, François

Pragae, 1666

§.1. Istius effectus atque affectus causæ nonnullæ.

[urn:nbn:de:hbz:466:1-47123](https://nbn-resolving.org/urn:nbn:de:hbz:466:1-47123)

Christi passionum contemplatione, contemplantis animo vehementem peccati horrorem, etiam cum ex professione non agitur, naturali quadam consequentiâ, ingenerari. Cuius rei causæ, nec pauca existunt, neque obscura.

§. I.

Istius effectus atque affectus cause nonnullæ.

Prima: Principio enim Christi passionem consideranti, illud occurrit: solius peccati gratiâ unigenitum DEI Filium, post intoleranda & plena doloris opprobria, mortu- turpissimâ condemnatum, & infami crucis supplicio addi- ctum, necatumque fuisse. Quæ res continuo divinæ offensæ atrocitatem indignitatemque menti ingerit; & (quod hinc consequi necesse est) odium, fugam, aversionem, detest- ationem, horrorem.

Secunda: Enimverò qui DEI Filium, splendorem po- ternæ gloriæ, & Dominum supremæ Majestatis, pro suo peccatis contemplatur in cruce pendentem, tum ex remedii granditate facillè æstimat gravitatem divinæ offensæ; ob quam DEI Filium oportuerit in cruce mori, quò læsæ divinæ justitiæ satisfieret: tum periculi sui magnitudinem, si divi- nam deinceps offensionem incurreret. Nam si DEUS pro- prio filio non pepercit, sed adeò atroces de innocente po- nas expetijt, ob susceptam in se alieni criminis imaginem: quid formidandum est ipsi peccanti, & divinam iram acque vindictam in se provocanti accersenti? secundùm illud: *Si in viridi ligno, &c.* Quo sanè timore salutariter con- xus, vel ipsa exhorret peccati initia ac semina; & (ut San- ctus loquitur Ambrosius) *contemplatus Dominum JESUM, allidit teneras & infirmas cupiditates ad petram Christi.*

*Serm: 8. in
ps. 118.*

Tertia: Jam verò, cum ille qui in passione Christi seriò constanterque exerceatur, non possit denique non in amore diligere Redemptorem dulcissimum ac liberalissimum, in-

tissimum ac mansuetissimum, sanctissimum & innocentissimum, tam indigna tamq; atrocia, amore tanto, tantaq; libentia pro se indignissimo perpeſsum: conſequens rursus est, ut peccatum oderit atque horreat, quod Domino suo, parenti, amico, ac Servatori optimo mortem tam acerba, tamq; ignominioſam intulerit. Ut qui aſſidue meminerit, illius dicti prophetici: *Iſe vulneratus eſt propter iniquitates noſtras*: nec ſine gemitu illud recolat è Threnis carmen: *Spiritus oris noſtri Chriſtus Dominus, captus eſt in peccatis noſtris*; & his ſimilia.

Iſai. 53.

Thren. 4.

Quarta: Et ſane qui ita ſe à Chriſto amatum recognoſcit, ut ejus ſalutis gratia, in mortem dederit dilectam animam ſuam, omnemq; ſanguinem ei redimendo, ac ſe denique totum, dependerit; ad illud reſpiciens quod ſcriptum eſt: *Qui dilexit nos, & lavit nos in ſanguine ſuo*; & illud Paulinum: *Qui dilexit me, & tradidit ſemet ipſum pro me*: qui fieri poteſt, ut tantum amatorem non redamet? aut ſi, uti par eſt, redamaret, qui tandem inducat animum, illum vel ſimplici animi motu offendere? Atque ſi qua ipſum peccandi cupido inceſſerit, nonne ſi duntaxat recordetur, Chriſti crucifixi, illum continuò ſibi quodammodo iſtud opprobriantem audiet: *Hæc eſt gratia tua ad amicum tuum*. Aut illum certè figurabit animo, ſeſe irvantem, & veluti Thomæ dicentem ſibi: Huc ades; fili atque amice; atque priuſquam de me offendendo deliberes; infer digitum tuum huc, & vide manus meas, & in his attende dolorem meum; & affer manum tuam, & mitte in latus meum, & ibi palpa amorem meum; & ſi adhuc tibi id fert animus (non feret autem, ut exiſtimo) tunc me, ſi poteſ, ad extremum offende.

Apoç. 1.

2. Reg. 16.

§. 2.

Allatis quibusdam caſis alijs, res concluditur.

Vuuu

Quin-